

# ÁŠŠEČILGEHUS

— Vuoddodokumenta  
— Jorgaluvvon dokumenta

Vuorkáášši: 2017/115-4	Vuorká: 210	Áššemeannudeaddji: Marit Elisabeth Hætta Gaup	Dáhton: 04.05.2017
---------------------------	----------------	--------------------------------------------------	-----------------------

Lávd.áššer.	Lávdegoddi	Čoahkkindáhton
	Ekonomiijalávdegoddi	
	Ovdagotti mearrádusevttohančoahkkin	
	Suohkanstivra	

## Jahkerahketdoallu 2016 Guovdageainnu suohkan

### Diehtu sáddejuvvo:

- Vefik IKS
- Finnmarkku fylkamánni

### Čujuhus lea:

- Suohkanlágaa §48
- Láhkaásahus jahkerahketdoalu ja jahkeraporta suohkaniidda ja fylkasuohkaniidda

### Miiddus:

- Jahkerahketdoallu 2016
- Dárkkistandiedáhus beaivádun 15.04.2017
- Dárkkistanlávdegotti čoahkkin beaivádun xx.05.2017

### Áššečilgehus:

Jahkerahketdoalu bákkolaš oasis leat doaimmarehketdoallu, investererehketdoallu, balánsarehketdoallu, ekonomalaš geahčastagat ja dieđut rehketdollui. Áigemearri gárvet rehketdoalu lea 15.2 maŋnel rehketdoallojagi. Suohkanstivra galgá dohkkehit jahkerahketdoalu maŋemuš 6 mánu maŋnel rehketdoalu jagi loahpa. Suohkanstivrra mearrádusas galgá bohtit ovdan movt rehketdoalujagi bohtosa galgá disponeret dahje gokčat.

Gáibádusat jahkerahketdollui bohtet ovdan suohkanlágas (láhka suohkaniidda ja fylkkasuohkaniidda) §48 ja láhkaásahusas jahkerahketdoallu ja jahkediedáhus (suohkaniidda ja fylkasuohkaniidda)

Suohkanis báhcá geavakeahtes ruhta 2016as, oktiibuot 8 446 130 ruvnno. De lea ovddiid jagiid čoggon eanetgeavaheapmi gokčojuvvon ollási, disposišuvndafondii bidjon ruhta, investeremat gokčojuvvon ja foanddaide sirdon ruhta.

Oktiibuot leat čadahuvvon investeremat 7 531 152 ruvnno ovddas. Eanaš oassi lea ruhtaduvvon loanaiguin.

## Árvvoštallan:

### **Doaibmarehketdoallu**

Rehketdoallojagi 2016 doaibmaboadus lea 13,158 MNOK, mii leat 14,579 MNOK buoret go bušeahtta ja 8,143 MNOK buoret go doaibmaboadus 2015's. Váldočilgehus buoret doaibmabohtosii sihke bušeahta ja diimmá ektui lea stuorit doaibmasisaboadut ja unnit golut.

Doaibmasisaboadut leat lassánan 3,2% diimmázis (2015as) ja gárte 12,5 MNOK eanet go bušeterejuvvon. Stuorit juolludeapmi suohkanii (6,5 MNOK) ja eanet vearrosisaboadut (2,8 MNOK) čilgejit lassáneami 2015 ektui. Vearrosisaboadut ja rámmajuolludeamit gullet lunddolaččat oktii, go vearrosisaboadut leat mielde váikkuheame rámmajuolludeami sturrodaga.

- Vearrosisaboadut suohkaniidda leat lassánan nášunála dásis ja gárte eanet go dan maid ledje vuordán. Jus buohtastahtá 2015iin, de lea nášunála dásis lassaneapmi 9,7%. Guovdageainnu suohkanis lei lassáneapmi 6,1%. Eanet vearrosisaboadut go vurdojuvvon addá suohkánii 1,9 MNOK eanet sisaboaduid go bušeterejuvvon.
- Refušuvnnat mat gusket buozalmasvuhtii ja mánnáožžunvirgelohpái láve suohkan várrogasat bušeterejet, ja dávjá leat das bušeahttaspiehkasteamit. Nu maiddá 2016'is, gos refušuvnnat leat 3,3 MNOK eanet go bušeterejuvvon. 2015ii ektui leat refušuvnnat njiedjan 0,9 MNOK.
- Suohkan lea nagodan oažžut ollu prošeaktajuolludemiid 2016as. Muhtun ráje prošeaktadoaimmas lea čađahuvvon 2016as, eará prošeaktadoaimmat fas jotkojuvvojit boahhte jagi. Gokčan dihte mañit jagi prošeaktagoluid sirdo oassi prošeaktajuolludemiin foanddaide. Buot dát eai leat bušeahtas váldon vuhtii.

Obbalaččat lassánit doaibmagolut 0,9% diimmá (2015) ektui. Stuorimus lassáneapmi lea bálkkáide. Doaibmaguolut gárte 1,5 MNOK unnit go bušeterejuvvon.

- Lassáneapmi 2015 ektui guoská eanaš bálká- ja sosiálagoluide, mat lassánit 1,08%. Dat lea unnit go dábálaš bálkálasseapmi Norgga suohkaniin (2,3%). Dás oaidnit ahte ekonomalaš nuppástuhttinplána maiddá 2016as lea buktán unnit bálkágoluid. Dasa lassin leat virggit leamaš vakanta ja addet unnit goluid.
- Vakanta virggit ja mañiduvvon virgádeamit addet 1,5 MNOK unnit bálká- ja sosiálagoluid go bušeterejuvvon.
- Bálká- ja sosiálagolut váldet unnit ja unnit oasi doaibmasisaboaduin. Dat lea njiedjan 2014 rájes goas dat lohku lei 64%. 2016as dahke bálká- ja sosiálagolut 62% doaibmasisaboaduin.
- Vuollegis reanttut leat addán unnit reantogoluid suohkanii. Mañiduvvon investeremat leat dagahan ahte reantogolut eai gártán nu stuorrat go vurdojuvvon.

Mañjel go buot doaibmagolut leat gokčojuvvon ja finánsaboasttat vuhtiiváldon, de báhcá 21 301 530 ruvnno doaibmasisaboaduin.

- Oassi doaibmasisaboaduin leat ruđat maid suohkan lea ožžon vassis doaimmaide. Buot dát doaimmat eai leat čađahuvvon 2016is ja dain sisaboaduin lea báhcán 7 578 569 ruvnno mii ii leat gollan. Dát ruhtá evttohuvvo sirdot foanddaide. Ovddit jagiid čadnon ruđain mat leat foanddaide leamaš bidjon leat 2016is atnán 1 535 378 ruvnno.
- Doaibmasisaboadut leat muđui adnon gokčat dat mii lea báhcán ovddit jagiid čoggon eanetgeavaheami, 1 086 868 ruvnno.
- Nannen dihte suohkana ekonomijja lea 4 146 043 ruvnno doaibmasisaboaduin bidjon disposišuvnnafondii, nugo bušeterejuvvon. Goitge báhcá vel ruhta geavakeahttá doaibmarehketdoalus, 8 446 130 ruvnno, mii evttohuvvo mannat nannet suohkana disposišuvdnafoandda.

Suohkana disposišuvndafoanda sturrodat 2016 jagi loahpas lea 4 146 043 ruvno. “Teknisk beregningsutvalg for kommunal økonomi (TBU)” ávžžuha doallat 1,75% doaibmasisaboáđuin sierra vai lea munnii dustet boahhtevaš hástalusaid ja vuorddekeahces goluid. Fylkamánni ávžžuha 3% doallat sierra doaibmasisaboáđuin. Jus suohkan galgá TBU ávžžuhusa nagodit doallat, de ferte disposišuvndafoandda sturrodat leat 5 348 000 ruvno. Fylkamánni ávžžuhusa mielde ferte disposišuvndafoanda leat 9 168 000 ruvno.

### **Investerenrehketdoallu**

2016’as lea vázzingeaidnu Gartnetluohkkái huksejuvvon (0,6 MNOK). Kulturviesus leat divodeamit dahkkon (0,3 MNOK). Suohkan čáhcerustegiidda lea adnon 0,6 MNOK 2016’is. Dorvogoáđi huksema oktavuodas leat boahhtán rehkegat (1,1 MNOK) maid suohkan lea máksán 2016’as. Álgoloanat maid suohkan juolluda ja viessobáŋku ruhtada lea stuorimus earjal boasta investerenrehketdoalus. Lei várrejuvvon 4 MNOK bušeahtas dasa, muhto ii leat gollan go 3,1 MNOK. Suohkan lea atnán 1 579 297 ruvno doaibmasisaboáđuiguin gokčat investeremiid.

### **Mearrádusevttohus:**

1. Jahkerihketdoallu 2016 dohkkehuvvo.
2. Doaibmarehketdoalu boáđus, 8 446 130 ruvno disponerejuvvo čuovvovaš lágiin:
  - 8 446 130 ruvno lasihuvvo/várrejuvvo disposišuvdnafondii, lassin dasa mii ovdal lea mearriduvvon lasihuvvot disposišuvdnafondii, 4 146 043 ruvno.
  - 7 578 569 ruvno lasihuvvo/várrejuvvo čadnon foanddaide
  - 1 535 378 ruvno válđo čadnon foanddain gokčat doaibmagoluid 2016’s
  - 1 579 297 ruvno manná gokčat investeremiid investerenrehketdoalus 2016’s